

黔陽縣志卷之六

山川二

牛坡山在縣西北十里一名牛角坡環曲窈邃行徑甚微

勝膝腰鎌猿攀蟻伏束楚自擔雲深霜勁之間時有樵

唱隔嶺酬和

陳士本牛坡樵唱詩牛坡山麓曲成阿灌木菁蔥裊薜蘿羨爾樵夫頻扣角白雲深

處任  
高歌

柳山在縣西二十五里蒼翠凌雲樹木陰翳產鉄礦山中

樵唱亦宛與牛坡相答

梁山在縣東六十里絕壑之下突奧特奇石澤津津拊不

黔陽縣志

卷之六

山川二

一

龍標藏板

留手泉水自洞中涓滴外射出洞匯為池澄潔可照鬚

眉里人禱雨於此多見靈應

白雲山大清一統志在縣東六十里高二十里時有白

雲環繞其上方輿紀要亦云或云在縣東一百七十里

或又云在縣北七十里名飛雲山

崖山在縣東六十五里崩劣峰危宿雲在嶺舊有天柱寺

為宋熙寧間建今已金銷碧剝矣

瑪瑙山在縣東八十里高險幽阻攢鋒列戟睥睨左右雄

視一方蓋安江巨鎮也上建浮圖足以俯接混茫先時

里人立砦於此以避苗寇

文峰山在縣東一百里銳削秀起如卓筆然又如直幹干雲剪芟柯葉亭亭在東擬之扶桑若木適當其位赤竹山在縣東一百四十里岡隴盤紆叢生赤竹故名周櫟園有云數頃瑯玕丹如火齊乃知此君亦戲著俳賦二律句如舊族傳爲絳縣老孫枝近作赤城人翻新競比紅兒曲截笛留吹赤帝歌皆妙爲醜顏寫照然彼在劍津西山此在鐔城東嶺世間尤物何地蔑有奚必醉色調丹但求之楮穎間耶

黔陽縣志

卷之六

山川二

二

龍標藏板

古佛山在縣東一百五十里孤峰別嶺無與偶倫爾雅所謂獨者蜀也相傳昔有聶劉兩道士結廬其上掘地得範銅古佛葬土金身歷劫不壞有光出肉髻中異之遂建寺覆其頂山之名以此後兩道士仙去土人時時見之山中乃模其像又聞郡陽有三女道士亦嘗往來此間並像紀之

羅公山在縣東南一百六十五里接寶慶府武岡州及靖州會同縣界一名羅翁山名勝志週迴五百里絕頂有池廣數十里昔有羅姓隱此得道因名名山志黔陽縣

有羅公山四面險絕上有鴛鴦鳴即雨應方輿紀要山  
南有砂溪與武陽江合北流分爲兩溪入沅宋熙寧間  
土豪舒光明起砦於此爲獠人所破西北有地廣數百  
畝歲大旱此處獨稔號曰熟坪大清一統志此即水  
經注之龍橋山也水經注沅水東逕辰陽縣有龍溪水  
南出於龍橋之山北流入沅水按  
橋宋本  
作嶠 又東北有石鼓形圓正扣之其聲清越以長山  
各有洞洞各有砦皆獠居之地無菽粟鹽布所產惟黍  
及蕎麥形有八面惟西北一面通黔陽

盧會山在縣東北四十里迂迴峻絕蹊徑最爲艱險明季

黔陽縣志

卷之六

山川二

三

龍標藏板

寇亂里人結砦自衛多所保聚

馬鞍山在縣南三十五里與靖州會同縣接界山之形似  
殆如楊鐵崖所云首印脊凹狀類馬鞍者歟然吳之馬  
鞍近在城隅爲邑中勝游顧美其稱曰玉峰未免假借  
誠不若茲山之尚存本色也

金龍山在縣南一百里凌空突兀巨石懸撐下有邃穴風  
自虛牝中迴薄而出揚堞振槁萬吹以息穴外修竹數  
竿因勢偃仰如縛帚自掃塵埃都淨

雞翁山在縣北四十里山形似雞尾距皆具豈即荊州記

所云白雉類耶

盛志之荆州記武陵舞陽縣有淳于白雉二山絕壑之半有一石雉遠望首尾

可長二丈伸足翔翼若虛中翻飛頭綴着石舞陽即今黔陽二山莫詳所在因附在於此

按

天龍山在縣北六十里高峰插空下俯深澗雲氣迴薄林

蔭沉冥幽澗鳴泉可枕可漱上有古剎松關金地壽制

安禪

鈎崖山在縣北七十里擬諸蘭鏡卓戟矛刃削垂山勢彷彿

近之中有石如置盎在地澆涌靈泉不盈不涸喚响

外發清瑤內涵土人取以禱雨無不應者故謂之鈎崖

聖水

### 黔陽縣志

卷之六

山川二

四

龍標藏板

寶貝峰在縣南二十里蒼圭挺秀聳峙雲端俯視諸山皆

成賤品洵為一方瑰異每晨峰頂出雲其日必雨土人

常以此占晴雨焉

黃永綏登寶貝峰詩村居獨羨此龍從鐫削誰爭造化功主筍孤標青入

涉珠螺高縮碧摩空霞飛赤寶通為侶采染紅蓮近與同千仞高翔疑鳳舉儼然身在彩雲中又黃永綸詩寶

山奇秀甲龍標振策峰頭眼界超果老仙人呼欲出羅翁隱者遠堪招螺尖湧翠晴猶滴鴈齒排雲午不消更

有蒙泉清可鑑好來此處滌塵囂

尖巖峰在縣北三十里桐木灘下形勢鑿削四無依傍如

筆抽鋒如錐脫穎令人有空羣特起意峰后另矗峭壁

壁根石洞窈窕杳不可測上有石龕空嵌貼壁欲墜貌

一將軍像兜鍪峩峩實為本境血食靈神神為曠姓靈  
身其名相傳以武職仕外神歸故土今其地有曠家堰  
事或然也

鐘鼓岩在縣城西門外兩石對峙以石叩之一作鐘聲一  
作鼓聲金葦繁响乃出地靈即此見張樂洞庭風雨合  
沓不復作鈞天想

香爐岩在縣城北門外趾江鼎峙如巧匠斲山自成彭亨  
之腹但無欵識耳濩水從岩跌間澆濯而去然掠江有  
勢巨漲不能齧城垣賴以捍衛則又非僅如挂席潯陽

黔陽縣志

卷之六

山川二

五

龍標藏板

供詞客吟眺已也

張扶翼遊香爐岩詩江上晴猶雨遠  
峰青不齊偶從人境外移向石橋西

老樹重陰合頽岩一水低晚烟生細細斷續入清谿向  
文煥三月晦日同張明府劉柳民泛舟飲香爐岩詩忽  
逢春盡日更作春江遊仙舫乘烟渡蒼崖近水求岩  
花留宿雨石竇積寒流深坐江雲裏開樽盡勸酬

觀音岩在縣東三十里鷓鴣灘之側峭壁卓滑差似南海  
靈嶼岩之名此或因齋持重寶經過險路者現普門法  
身示無量無邊力歟

尖岩在縣東八十里鑿削嶄然圭角顯露里人立廟其上  
以祀真武

張扶翼重修真  
武廟碑記畧

鬼神之事儒者所不道茶陵蔣生名善

養者爲余言曰茶陵之水口山曰尖岩舊有真武廟傾毀久矣生懼兵燹舉家被難一祖四世僅存一身而又艱於嗣時有何道士工於祈禱生往求之卜壬寅之九月九日爲禱於真武是日忽風雷展轉結其所懸幡帶爲二象一蟾一鳳道士曰是其兆爲二男甲辰正月一子生不敢忌神之賜更新其殿宇肖相而祀以報神之祐工告竣矣乞一言以志諸石余曰鬼神之事儒者所不道以其亂乎民義也而蔣生之獲助若茲其顯者何也余蓋以蔣生之行卜之矣自余來治黔也歲凡五稔

黔陽縣志

卷之六

山川二

六

龍標藏板

人士之情僞風土之醇漓山川之險易旣已知之茶陵爲供洪鄉一圖其民輸賦急公其士好禮行義其山水開拓而清秀風土習俗之美余旣取而著之邑乘矣若蔣生者行誼修潔好善不怠又其表表者易曰作善降之百祥蔣生無子而有子祥孰大焉蔣生作之於下鬼神鑒之於上有感卽應捷於影响樂善而始終不懈將所謂百祥之物以類應焉又不僅一蟾一鳳獲助風雷已也蔣生勉乎哉生又爲余言曰尖岩秀削江皋南望羅翁層嵐聳翠大江東下綠水環流列之爲屏障衍之

爲波瀾而樵唱漁歌互相答響又茲岩之一異也余嘗  
舟過其下視之良然顧來時每與雨會又或因事急行  
速不獲維舟山下盡登臨之興則猶莫異日者忙裡偷  
閑將與生一登此岩之巔覽其殿宇之盛與所謂人士  
之雅風土之美山水之高而清者余不敏當更爲生含  
毫濡墨而賦之也

三里岩在縣南十五里崖石錯列每阻行舟明知縣陳鋼  
鑿之

卧龍岩在縣西南四十里俗以旁有諸葛城故名中有石

### 黔陽縣志

卷之六

山川二

七

龍標藏板

洞介裂如劈濶數十步深凡數里兩壁疑聖粉塗椒自  
然芬澤流泉竊厯散布石上石竈二俗傳武侯屯兵時  
置舊時里人避寇者多棲焉詳見古蹟

果老岩在縣北五里二石中流宛然人跡相傳爲張果仙  
踪但不知蝙蝠精何以遊戲到此

白岩在縣北六十六里撐壁如頰江自鏡雲抱花捧皆寫  
入碧琉璃中間岩間產肉芝如掌烟甲不欲人物色滙  
潭在趾亦曰白岩塘深險獨絕相傳犀怪穴之人不敢  
近

雙石岩在縣東南九十里一名屏風岩有二石對立三面如一相傳石根隨水高下類浮磬然土人神之舟楫莫敢犯明景泰中築崖置戍名安江雙岩城上有靈洞禱雨多見響應洞泉冷然清瀉可味瓦甃甃注盈擔而歸用以釀秫芬冽獨絕故安酒著名猶襄陽之有宜城醞也

蜜崖尖在縣東六十里束勢沓嶮幾不可階壑陰羣蟲釀花其間攢房纍纍竒芬外達野人尋香伺之割取盈甕火之成汁勝吸三危坡公所云十分甜者此也或曰密

### 黔陽縣志

卷之六

山川二

八

龍標藏板

崖則傳寫之譌耳

大角尖在縣南三十里山勢高聳入雲遠拱縣城寸爽可挹產竹足以資用中多薺蕨明末里民保聚其上者採之以膳朝夕

大溪洞在縣東南五十里一名大谷洞方輿勝覽天谷洞在黔陽洞中深邃泉流不竭卽此洞也石門石城虛境自然頗如梁太子所云

岩泉洞在縣東北六十里地名豐坡門逕窅窅難弓度一水中出蕩流相承夾石倚騰飛梁若亘泉味極甘人



多取飲名曰可泉自此達於中溪溪產魚形纖而味腴  
每秋分魚藏洞穴中至春分出溪達江乃孕蓋噉啣石  
髓不餌泥濁故遂成食單佳品真丙穴也

涵虛洞在縣北七十里有山曰飛雲橫嶺層峰雲氣環繞  
時無定態洞在山壑中口微仰哆若蘓門之嘯初入幽  
徑側曲聞水聲在響屨間漸進高廣如屋可容數十人  
怪石蹲踞莫可名狀浮沙似霏屑在地履之軟滑幾疑  
攙毳上步也故俗名沙子坪從此躡蹻而上通見頂穴  
如屋霽隙光所照鬚眉畢見過此則深黑不敢入清泉

黔陽縣志

卷之六

山川二

九

龍標藏板

一泓不可量測相傳有神物藏其中土人多禱雨於此  
洞口有向公祠洞水紆折入溪溪上一亭峙焉

石梁在縣城西門外俗名石橋翼然穹然不假人力疑神  
工運置莫可端倪過此者應想像天台山上

爛木坑在縣東一百里山多礮壑故俗以坑名絕頂有池  
雨盛則欹噐不傾霽久則水痕依舊土人禱雨者多搽  
餅於此

觀音洞在縣西十五里初得清水池池中泉源濬發四時  
水蕩遠近田疇咸資灌溉而蒲劍參錯石骨嶙峋較舊

志所載縣東清水池尤勝逾池行數武遙見山勢遽闔  
複嶺重岡突爲長隴關鎖而溪流一綫出路茫然正疑  
行到水窮處忽峭壁下圓啟石門恰如城洞捲拱遙睇  
之其色正黑溪流注焉亦惟見其入耳洞前綠水成潭  
蹊徑未闢遊者無能徑造行來左側則石之醉而卧者  
森而立者泉之湧而出者曲而行者已較然覺桃源仙  
境先見一斑矣踰平田陟高岫怪石負土而出硃礧礧  
碗蒲眼呈竒而分合曲折布置最精如能手行文其起  
伏頓挫條理犁然絕無堆垛累贅病遙望前溪自斗壁

下透出曲折與大溪匯臨溪矗一石高八九尺異狀猗  
猗則坡公所謂猛獸竒鬼森欲搏人者也循行犖确舉  
足蹣跚而漑漑泉聲琮琤到耳早令遊者神移度石梁  
折而左遂達深壑迺見上下石拱恍啟重門棘蔭藤披  
亦無憂豐蔀其上洞广屋簷衍水圳遊鯁沙洲伏蟬中  
可容百餘人其下洞直竅窅窅石柱中撐木椳平遞中  
可容數十人仰觀旁矚萬狀離竒爲石臺爲石磴爲石  
龕爲石臼石杵垂如乳排如肋絡如筋竅如鼻孔卷如  
斗輪旋如掌上羅紋斑如額前麻點蓋天工雕刻杳非

人巧所能與其岩根萬竅玲瓏清流盤注深淺隨時靜而聽焉有作按鼓聲者爲奔壑泉有作振玉聲者爲瀉清泉又有作檐溜作急雨聲者爲瀑布泉爲石乳泉種種竒况殆難殫紀遊人來者於夏可裘於冬可葛而薛蘿春引蟻蝶秋鳴皆足因時寄賞品其妙致還當出武陵源右令膏肓泉石者見之亦不知鉅錡潭買山錢當議幾許也

陳以球岩龍溪觀音洞碑記畧

縣治之西南曰渠江由渠江而上可十

里許有溪焉曰浙溪由浙溪入蝴蝶四五里東有小溪

# 黔陽縣志

## 卷之六

### 山川二

#### 十一

龍標藏板

西流與大溪合竒岩秀石爭爲異狀中有石洞高二三丈廣長約五六丈幽邃軒豁夏涼冬溫誠勝概也洞中石壁仰而望之有龍虎風雲牛馬人物等狀或黃或白或青或綠令人應接不暇更有石竅以物撲之如鐘鼓聲洞水高溪丈餘湍流瀑布鏘鳴金石入耳而不煩左壁有石磴稍修補之可布席列坐數十人洞分前後初經前洞有穴窈然擁火以入愈進愈竒問其深則雖好遊者莫知所底再進則后洞高廣空明亦與前洞等而景象更竒相傳龍由溪出故曰岩龍溪又傳昔有人見

觀音大士現身洞中故曰觀音洞予魯祖邦彥公力學能文屢試不遇退而安命惟寄情山水以自娛繼娶欽氏往遊岳家愛是洞日與同人欽北溪賦詩飲酒於其中且爲燕翼之謀買洞前後築堤成堰因家於其旁無冬無夏低徊不忍舍去死而已數十年予父選貢諱天聰倩道扶鸞公降鸞曰我愛岩溪樂優遊不計年春光隨我老明月伴吾眠復問姓名曰吾而祖也山水之樂死生不二蓋其得於是洞者深矣

危元福題觀音洞詩  
溪流一綫穴重岡白石清泉窟室光靈異天生驚有此桃源蹊徑只尋常又蘭亭觴咏雅相違蒲路荆榛礙客衣默禱山靈能佑我

黔陽縣志

卷之六

山川二

十二

龍標藏板

便教荆璞發光輝

藍家洞在縣東三十五里洞口極狹入數武乃寬瘦石稜稜清泉滾滾鄉人祈雨於此多應

黎溪洞在縣東四十里山石削立岩懸瀑布洞之右大石一面泉水自中透出味極清冷來往頻飲於此呼爲玉

石泉